



名山勝槩記

山東一

ル 5  
1160  
37







名山勝槩記

山東一

卷



東游記

楊 奐

濟南行記

元好問

東游記

元好問

東游襍記

王思任

游歷下諸勝記

嶧山記

靈巖記



孔林記

游華不注記

王暉

游龍洞山記

張養浩

登千佛山記

樊獻科

游大佛山記

樊獻科

游濟南大明湖記

李裕

趵突泉記

曾鞏

東封泰山記

漢光武

泰山封禪儀記

應劭

泰山錄

邵伯溫

游泰嶽祠記

錢伯言

游泰山記

李裕

游泰山記

喬宇

游泰山記

尚綱

游泰山記

高誨

游泰山記

王世貞

游泰山記

馮時可

登泰山記

王衡



登泰山記

文翔鳳

泰山記

王思任

岱記

鍾惺

東遊記

元 楊奐

壬子春三月十六日庚子東平行臺公宴于東園是  
 日衣冠畢集既而請謁闕里迨丙午廼命監脩官盧  
 龍韓文獻德華谷劉詡子中相其行丁未同德華子  
 中暨攝祀事孔構噐之梁山張宇子淵汴人郭敏伯  
 達出望嶽門幕府諸君祖於東湖之上東行六十里  
 宿汶上縣汶上古之中都也先聖之舊治魯定公九  
 年宰此縣署之思聖堂是也有杜子美望嶽詩刻王

東遊記



東遊記  
彥章墳祠在西城外以斯人而仕於梁時可知矣戊  
申是日至兗州會州佐孟謙伯益教官張鐸振文話  
嶧山之勝爲甚詳子美所謂浮雲連海岱平野入青  
徐者登南樓詩也徐在南四百里青在東北七百里  
海在東北不啻千里岱嶽一百餘里吁二三千里之  
遠今一舉而至與其終身拘拘儒儒於百里之內者  
不亦異乎已酉拉振文而東不四五里過泗河地頗  
高敞南望鳧繹諸峯出沒於烟蕪雲樹之表使人豁  
如也又一舍許達于苗孔村見曳而斷者其魯城歟

鬱而合者其孔林歟不覺喜色溢於眉睫遂入自歸  
德門魯門一十有二正南曰稷左曰章右曰雩正北  
曰闔左曰齊右曰龍正東曰建春左曰始明右曰鹿  
正西曰史右曰麥歸德其左也當時天下學者多由  
是門入故魯人以此名族長德剛又率諸子弟姪迓  
於廟之西相與鞠躬趨大中門而東由廟宅過廟學  
自毓粹門之北入齋廳在金絲堂南燕申門之北堂  
取魯共王事也是日私忌不敢謁庚戌鐘鳴班杏壇  
之下痛廟貌焚燬北向鄆國夫人新殿設繪像脩謁



而版祝如禮告先聖文宣王畢降階謁齊國公及魯國夫人之殿殿西而南向者尼山毓聖侯也次西而東面者五賢堂也謂孟荀楊王韓也碑孔中丞道輔文遂飲福於齋廳執事者族中子弟也進退揖讓禮貌可觀信乎遺澤之未涸也焉知教養之久明詔之下人物彬彬不有經學如安國政蹟如不疑者乎杏壇二字竹溪党懷英書壇之北世傳子路捨丁石蓋石之屬也壇南十步許真宗御贊殿也七十二賢并諸儒贊從臣所撰貞祐火餘物也手植檜三兩株在

贊殿前一株在壇南業已焚樞趙大學秉文麻徵君九疇有頌有詩世多傳誦之次南碑亭二東亭宋碑一呂蒙正撰白崇矩書金碑一党懷英撰并書篆西亭皆唐碑一碑崔行功撰孫師範書碑陰刻武德九年十二月詔又乾封元年二月祭廟文一碑江夏李邕撰范陽張廷珪書開元七年十月建次南奎文閣章宗時初閣之東偏門刻顧凱之行教吳道子小影三像東廡碑六皆隸書西廡之碑八隸書者四餘皆唐宋碑也是日出北偏門由襲封廨署讀姓系碑文



又北行由陋巷觀顏井亭亭廢矣北出龍門入孔林徘徊思堂之上由輦路而北夾路石表二石獸四石人二獸作仰號之狀拜奠先聖墓如初禮墓前有壇石厚三尺許方如之其數四十有九後漢永嘉元年魯相韓叔節造東連泗水侯伯魚墓南連沂國公子思墓世家云相去十步耳而密邇若此疑後人增築之也然規制甚小禮之所謂馬鬣而封者是也子思之西石壇居攝元年二月造有曰上谷府卿者有曰祝其卿者先聖墓西北白兔溝也二石獸狀甚怪林

廣十餘里竹木繁茂未見其比而楷木以文爲世所貴無荆棘無鳥巢林東三里講堂也林與堂俱在洙北泗南按世家云周敬王三十六年孔子自衛反魯刪詩書定禮樂繫易於此硯臺井在西惜去秋爲水漫沒矣辛亥謁周公廟廟居孔廟之東北三里有真宗御贊碑車輞井在正東少南水清白而甘俗呼漿水井者是也廟北雙石梁井石上綆痕有深指許者百步許得勝果寺魯故宮也殿之東北大井圓徑六十丈深二丈水色墨如也東過顏侍郎墓林城之址



顏廟也。廟中孤檜高五丈許，由曲阜西復東北行一里入景靈廢宮，觀壽陵。陵避諱而改也。東北少昊葬，所宋時疊石飭之前，有白石象爲火爆裂壇之石欄，窮工極巧，殆神鬼所刻也。讀碑記始知草創於祥符，潤飾於政和，此亦人君貪侈之心，將以徼福者也。福可求乎哉！大碑四，諺云：萬人愁者是也。而二碑廣二十有三尺，濶半之厚四尺，螽蟴高十有三尺，濶如之。厚四尺，龜趺十有八尺，二碑廣二十有四尺，濶半之厚四尺，螽蟴高十有八尺，濶十有六尺，厚四尺，龜趺

十有九尺。一在城之外，一在城之內，無文字，意者垂成而金兵至也。陵曰壽陵者，誠何謂邪？入東門，復西南馳，觀漢之魯諸陵大塚四十餘所，石獸四，石人三人，胸臆間篆刻不克盡識。有曰：有漢樂安太守廉君橐塚者，有曰：府君之某者，折而北，渡沂水，入大昕禪院，觀遼泉水中石出如伏，鼉怒鼉寺碑云：魯之泉宮也。薄暮歸，自稷門望兩觀，穹然以少正卯之姦，雄而七日之頃，談笑剔去，則知舜刑四凶，使天下翕然服之明矣。登泮宮臺，臺下水自西而南，深丈許而無源。



東遊記  
其西靈光殿基也破礎斷瓦觸目悲涼壬子復由縣城東北行十里許過陶樂村南望脩壙蔓延不絕者周之魯陵也東南五里達脅溝村拜聖考齊國公墓而林廣四十畝墓前石刻甲辰春五十一世孫元措立石溢津高詔書溝水在林之東北入於泗其南防山也而山之峯東西五禮云合葬於防是也林之北東蒙路也自西峯而南謁顏子墓石刻曰先師兗國公大定甲辰三月先聖五十一代孫承直郎曲阜令襲封衍聖公孔摠立石太原王筠書墓前一石僅二尺

許兩甲士背附而坐一執斧一執金吾正北有小塚不可考顏氏子孫二房在少東上宋村是日東南行并戈山而西由白村歷西魯原達東魯原館癸丑穿林麓而東約六里許達尼山五峯隱隱在霄漢間而中峯特迥出昔之所謂圻其頂者是也廟廢雖久而規模猶可見其西智源溪橋也端南卽大成門次北者卽大成殿也其東泗水侯殿其西沂水侯殿也大成之後鄆國夫人殿也其後齋所也西有齊國魯國之殿齊國之東而南向者毓聖侯殿也大成之東齋



身遊記  
廳也兵餘猶存焉正北中和壑也廟之西南觀川亭也瓦礫中得一斷石蓋前進士浮陽劉燁夾蘆辨也或曰夾驢劉惡其鄙俚故辨正之夾蘆峴在尼山西由亭之東西旋而下得坤靈洞石角濺濺不可入族長云廟戶管用吉成嘗持火曳綆而入北入數丈忽隙間有光睹一室其廣兩楹許中橫石床石枕皆天成也而不可動今五十年矣以管與吉幼而瘠故可入也所言如此洞名劉燁之所刻也因涉沂水過顏母山下觀文德林以草木障翳廟與聖井無所見尋

舊路復達魯原西南瀕竭下而出由桑家莊歷峻山二十里而近達四箕山至鄒國公墓墓在廟東北有泰山孫復碑孔中丞立石其西大塚七比正墓差小無從考之南有亞聖寺行四五里過黃注村又十里由石經埠正南少西行四十里達鄒縣四月甲寅出南門二十五里達嶧山之西北絕澗亂石如屋復西北行遊太湖懸鐘二洞東南行入燕子岩僕以病足坐岩下諸君且示嶧山圖蠟紙按圖指顧若仙橋之巨石七真之西軒下瞰紀侯之重城漢相之故塚一



如眼底如玉女峯千佛塔尤號奇絕所至流水修竹  
雜花名果殆若屏面而容縷數哉逼夕陽下山迤邐  
由西北而進達于縣之南關造鄒國公廟庭奠乙卯  
出西門北行十里入罔山寺沿竹徑渡橫橋出山東  
北行二十五里達馬鞍山謁孟母墓北行十五里達  
趙山莊又十里許達于魯城南登郊臺臺東西五十  
八步南北四十步魯之臺可見者三是臺與泮宮臺  
莊公臺也北涉沂水由竹徑登浮香亭亭以梅得名  
小北一石穴茶泉也亦竹溪書而不名緬思前輩風

度又有足敬也丙辰丁巳將訪夔相圃不果戊午登  
西南角臺望射圃圃在歸德門裏巳未辭先聖於杏

壇之下從先隴城府君官掖縣嘗過濟南然但能憐

其大城府而已長大來聞人談此州風物之美遊觀

之富每以不得一遊為恨歲乙未秋七月予來河朔

尋三年矣始以故人李君輔之之長而得至焉因

尋三年矣始以故人李君輔之之長而得至焉因

尋三年矣始以故人李君輔之之長而得至焉因

尋三年矣始以故人李君輔之之長而得至焉因

尋三年矣始以故人李君輔之之長而得至焉因



西南與臺望根圃圃并隄隄門裏日未鞠矣望於杏  
與又亦只燃此丙氣丁日雜情賢財圃不果丸千登

壘之不

濟南行記

元 元好問

予兒時從先隴城府君官掖縣嘗過濟南然但能憶  
其大城府而已長大來聞人談此州風物之美遊觀  
之富每以不得一遊爲恨歲乙未秋七月予來河朔  
者三年矣始以故人李君輔之之故而得一至焉因  
次第二十日間所遊歷爲行記一篇傳之好事者初  
至濟河約杜仲梁俱東並道諸山南與太山接是日  
以陰晦不克見至濟南輔之與同官權國器置酒歷



下亭故基此亭在府宅之後自周齊以來有之旁近  
有亭曰環波鵲山北渚嵐漪水香水西凝波曰狎鷗  
臺與橋同曰百花芙蓉堂曰靜化軒曰名士水西亭  
之下湖曰大明其源出於舜泉其大占城府三之一  
秋荷方盛紅綠如綉令人渺然有吳兒舟渚之想大  
蓋承平時濟南樓觀天下莫與爲比喪亂二十年唯  
有荆榛瓦礫而已正如南都隆德故宫頽圯百年澗  
谿草樹有荒寒古澹之趣雖高甍画棟無復其舊而  
天巧具在不待外飾而後奇也凡北渚亭所見西北

孤峯五曰匡山齊河路出其下世傳李白嘗讀書于  
此曰粟山曰藥山以陽起石得名曰鵲山山之民有  
云每歲七八月烏鵲羣集其上亦有一山皆曰鵲時  
此山之所以得名歟曰華不注太白詩云昔歲游歷  
下登華不注峯茲山何峻秀青翠似芙蓉此真華峯  
寫照詩也大明湖由北水門出與濟水合瀾漫無際  
遙望此山如在水中蓋歷下城絕勝處也華峯之東  
有卧牛山正東百五十里鄒平之南有長白山范文  
正公學舍在焉故又謂之黌堂嶺東十里有南北兩



妙山兩山之間有閔子騫墓西南大佛頭嶺下有寺  
千佛山之西有函山長二十里所山有九十谷太山  
之北麓也太山去城百里而近特爲函山所礙天晴  
登北渚則隱隱見之歷山去城四五里許山有碑云  
其山修廣出材不匱今但兀然一丘耳西南少斷有  
蠟山由南山而東則連亘千里與海山通矣爆流泉  
在城之西南泉灤水源也山水匯於渴馬崖湫而不  
流近城出而爲此泉好事者曾以穀糠驗之信然往  
時漫流纔沒脛故泉上湧高三尺許今漫流爲草木

所壅深及尋丈故泉出水面纔二三寸而已近世有  
太守改泉名檻泉又立檻泉坊取詩義而言然土人  
呼瀑流如故爆流字又作趵突曾南豐云然金線泉  
有紋若金線夷猶池而泉今爲靈泉庵道士高生妙  
琴事人目爲琴高留予宿者再進士解飛卿好賢樂  
善欵曲周密從予遊者凡十許日說少日曾見所謂  
金線者尚書安文國寶亦云以竹竿約水使不流尚  
或見之子與解裴回泉上者三四日然竟不見也杜  
康泉今湮沒土人能投其處泉在舜祠西廡下云杜



濟南行記  
三  
康曾以此泉釀酒有取江中冷水與之較者中冷每  
升重二十四銖此泉減中冷一銖以之淪茗不減陸  
羽所第諸水云舜井二有歐公詩大字石刻甘露園  
紀歷下泉云夫濟遠矣初出河東王屋曰沆水注秦  
澤潛行地中復出共山始曰濟故禹書曰道沆水東  
之逾温逾墳城入於河益於滎泱於曹濮之間乃出  
于陶丘北會於汶過歷下灤水之北遂東流且濟之  
爲瀆與江淮河等大而均尊獨濟水所行道障於太  
行限於太河終能獨達於海不然則無以謂之瀆矣

江淮河行地上水性之常者也濟或泱於地中水性  
之變者也予愛其論水之變與常有當於予心者故  
并錄之珍珠泉今爲張舍人園亭二十年前吾希顏  
兄嘗有詩至泉上則知詩爲工矣凡濟南名泉七十  
有二爆流爲上金線次之珍珠又次之若玉環金虎  
黑虎柳絮皇華無憂洗鉢及水晶泉非不佳然亦不  
能與三泉侔矣此游至爆流者六七宿靈泉庵者三  
泚大明湖者再遂東入水柵柵之水名綉江發源長  
白山下周圍三四十里府叅佐張子鈞張飛卿觴子



繡江亭漾舟荷花中十餘里樂府皆京國之舊劇談  
豪飲抵暮乃罷留五日而還道出王舍人莊道旁一  
石刻云隋開皇丙午十二月欽玠墓誌玠巴郡武昌  
人學通三家優游田里以壽卒誌文鄙陋字以巴爲  
巴蓋周隋以來俗書傳習之弊其云塋岫山之西者  
知西南小丘爲岫山也以歲計之隋開皇六年丙午  
至今甲午碑石出壙中蓋十周天餘一大衍數也道  
南有仁宗時侍從龍圖張侍郎揆讀書堂三字東坡  
所書并范純粹律詩俱有石刻揆字叔文自題仕宦

之後每以王事至其家則必會鄉鄰甥姪盡醉極歡  
而罷各以歲月爲識叔文有文譽仕亦達然以榮利  
之故終身至其家三而已名宦之役人如此可爲一  
嘆也至濟南又留二日汎大明待杜子不至明日行  
齊河道中小雨後太山峯嶺歷歷可數兩旁小山間  
見層出雲煙出没顧揖不暇恨無佳句爲摹寫之耳  
前後所得詩凡十五首并諸公唱酬附於左

### 東游記畧

丙申三月二十有一日冠氏趙侯將會行臺公于泰



安侯以予宿尚遊觀拉之偕行凡三十日往復千里而在鞍馬者八日故所歷不能從容然亦愈於未嘗至焉者因畧記之以備遺忘郭巨廟在長清西南四十里所路旁小山之上齊武平中齊州胡僕射所造石室在焉所刻人物舟車馬象三壁皆滿衣冠之制絕與今世不同有如沈存中所記幞頭但不展腳耳西壁外胡僕射刻頌規制如磨崖狀字作隸書文齊梁體而苦不佳後題云居士慧朗侍從至朗能草隸書世謂朗公書者是也予意此頌必朗公所書故題

字云然又有開元二十一年題字并長清尉李臯祭文隔馬祠在長清馬山之南距縣八九十里所大觀三年東平陳彥元廟記云盧城圯澗中得唐中和二年義昌節度押衙國子祭酒兼御史大夫李公瞻作廟縣中時石刻載齊師爲晉所敗殺馬隘道晉師不得過謂以是得名字當爲格而今爲隔馬疑與左氏不合又謂里俗相傳景德中契丹寇兗鄆馬山之神陰障從馬使不得南以是得名以予觀之古今祠廟不能考其所從來而妄爲立名號者多矣殺馬隘道



神何預焉而禱之。至於陰障戎馬則又齊東野人語也。記又云知縣事晁端肅禱雨而應將以封爵請於朝。今榜云豐施侯廟者豈端肅遂得所請耶。靈巖寺亦長清東南百里所寺旁近有山曰鷄鳴曰明孔寺。後有方山泉曰雙雀曰錫杖寺。先有宋日御書今亡矣。絕景亭在方山之下絕類嵩山。法王党承之世傑寺記云寺本希有如來出世道場。後魏正光初梵僧法定撥土立之。定之來青蛇導前雙虎負經。景德中賜今名。予按大觀中石橋記云寺是正光初重建。然

則党承旨亦未嘗偏考耶。梁縣香山寺記說寺初建時一胡僧自西域來云此地山川甚似彼方香山。今人遂謂梁縣香山真是大悲化現之所。予意前所云希有道場者豈亦此類者抑党有所據而言也。寺壁石刻甚多有張揆叔文蘇轍子由吳拭顧道詩餘人不能悉記。大山舊說高四十三里今云四十五里。又有言二十五里者。出州北門經水簾馬棚迴馬嶺御帳護駕泉而上遂登天門鶴頂四峰曰秦觀曰越觀曰周觀。秦觀有封禪壇壇之下有秦李斯唐宋磨崖



太史公謂太山鷄一鳴日出三丈而予登日觀平明見日出疑是太史公夸辭問之州人云嘗有抱鷄宿山上者鷄鳴而日始出蓋岱宗高出天半昏曉與平地異故山上平明而四十里之下纔昧爽間至此語似亦有理故錄之岳祠在城中大定十九年被焚二十一年新廟成又三十年毀於真祐之兵今惟客省及誠享殿在耳此殿是貯御香及御署祝版之所城四周有岱岳青帝乾元升元四觀青帝觀有唐大中歲金龍石刻大聖祖無上大道金闕玄元天皇大帝之號見於此岱岳觀右漢栢柯葉甚茂東有崑崙亭山水自溪礪而下就兩崖爲壁如香山石樓上以亭壓之北望天門屹然如立屏而獨流出几席之下真太山絕勝處也州門南道左有宋封祀壇合祀五方帝及九宮貴人壇壇南有碑碑陰載獻官姓名駙馬都尉二人攝司徒司空充黑帝青帝獻官九宮貴人合祀官右諫議大夫种放其名知名如魏庠輩過三巖龍泉皆一宿而去得詩凡十首云



帝又次宮貴人壘壘南首軒軒劍輝熾官致斧樵黑  
大山巖嶽與山門南巖立亦宋桂脈壘合脈五丈  
懸之非望天門如然吸立異而騰飛出以氣之可真  
山木自筮斷而才棘兩壘餘壘吸香山下對土以亭  
之巖良然此谷各躡水壘林林葉葉東首崑崙亭

東游雜記

山陰王思任

游歷下諸勝記

華不注大明湖趵突泉濟南之三譽也東北山渡海  
謁岱如雁陣點點距翼戢止而華不注虎齒刺天肥  
而銳似帝青寶碧十分塗塑者予時僑居歷山書院  
幕僚程張二君以斗酒洽之漱玉亭上觀所謂趵突  
者昔時劍標數尺而今僅爲抽節之蒲諸童子浴裸  
褻之王屋之氣日短一日矣泉也且泉之左爲于鱗



先生白雪樓記別有所屬何處弔中原吾黨也樓也  
且明日引鏡睂間黃起則旣抹馬矣盡辭上官之後  
披襟獨往歷下亭子一看菡萏千畝流光遡空蘆中  
人誰與若肯爲我譜漁笛數弄我不難賡桓伊也盈  
盈脉脉無以持贈人亦誰可笑語乃乞北門鎖鑰于  
某萬戶倩睥睨爲光明焉南山危轟如佛首者歷山  
耶舜所耕在濮此何以歷焉戴玄趾詩送我平生少  
知已慟哭鮑山邊東望有青蔚起者是矣元張養浩  
龍洞記畫凶刻險涕中帶笑也且寄語東南一片雲  
願以他日北望華不注而逢丑父卒智在此間與安  
得從轅源賒一葦直酌華泉下也夫山水之理必不  
可鹵莽而得濟南名勝尚稱幽夥一眺望間而欲了  
上下千百年之事此不過望屠門而食氣者不可以  
飽驕人雖然踈籠之羽義無反顧而吾猶得翱翔成  
禮以去雖不滿腹亦不虛歸矣一臠全鼎蜜無中邊  
其韻一也且食肉者何必馬肝而盡哉

嶧山記

子游嶧山而知天下事不可以道傍忽也蓋子游嶧



東游雜記  
山而幻軀凡數化。泰山之石方而嶧山之石圓。山如  
累卵。大小億萬。以堆磊爲奇巧。以穴洞爲玲瓏。以穿  
援爲游覽。賂一沙彌作導師。至渡空舟。則無隻馬。兩  
人之路。假蓋自蔭。而予化爲隸。伏熱正毒。探梁祝泉。  
頂無冠。脊無縷。而予化爲野人。入盤龍洞。觀石鐘。豐  
下。銳上竇。鑽滑試。數怖數免。無足日正大人之事。而  
予化爲偷。上大通巖。臂引杖接。而予化爲猿。撲仙人  
洞外。伏內昂中。俱白屎。而予化爲蝠。引至拘龍洞。則  
以胷席石覆臥。而申之。上下受半尺。四方二尺。三折

約十丈餘。其發者肩也。縱者腹也。頭憂怖而手足廢。  
趾略效焉。若不寧氣。一視便堪悶絕。而予于此爲守  
宮。將至玉華頂。與仙人對博矣。而壁峭二丈。下臨萬  
仞。望岱秀天齊。四基蔥鬱。賢聖之窟宅。神洸洸也。粘  
滯壁間。終不敢上。而予化爲蝸。私念幽奇。至絕。愈化  
愈下。何不騎大鵬。俯瞰齊州九點烟。卽吾家子晉鶴  
背上。儘足鞚引。翺視而託言蝶。無所不栩。螳無所不  
慕。肝臂無所不託。英雄自欺矣。遂不克頂。遙知古來  
文士。必無問頂者。至拘龍洞。而投策歎返也。不親歷



東游雜記 八  
人且欺我也。是山也。其古蹟之最著者曰嶧陽桐尚  
檻。其半曰李斯碑。相傳有之。曰紀子墓。曰聖賢遺像。  
曰顏子石。其古刹曰興國寺。萬壽宮。玉帝殿。其泉曰  
源頭活水。曰蓮花池。曰甘泉洞。其名石曰象牙。曰石  
鼓。曰龜石。不可枚舉。人人得以意呼之。其大觀曰南  
天門。此皆望而可得者也。

靈巖記

域中有四大刹。靈巖居其一。以秦岱之屋。烏也。乃希  
有物化。見道場當谷口。有峯堡而立。就之。猊蹲入谷  
約十丈餘。其發者肩也。縱者腹也。頭憂怖而手足廢  
趾。略效焉。若不寧氣。一視便堪悶絕。而予于此爲守  
宮。將至玉華頂。與仙人對博矣。而壁峭二丈。下臨萬  
仞。望岱秀天齊四基。蔥鬱賢聖之窟宅。神泚泚也。粘  
滯壁間。終不敢上。而予化爲蝸。私念幽奇至絕。愈化  
愈下。何不騎大鵬。俯瞰齊州九點烟。卽吾家子晉鶴  
背上。儘足輕引翺視。而託言蝶。無所不栩。螳無所不  
慕。肝臂無所不託。英雄自欺矣。遂不克頂。遙知古來  
文士。必無問頂者。至拘龍洞而投策。歎返也。不親歷



東游雜記  
人且欺我也。是山也。其古蹟之最著者曰嶧陽桐尚  
檻其半。曰李斯碑相傳有之。曰紀子墓。曰聖賢遺像。  
曰顏子石。其古刹曰興國寺。萬壽宮。玉帝殿。其泉曰  
源頭活水。曰蓮花池。曰甘泉洞。其名石曰象牙。曰石  
鼓。曰龜石。不可枚舉。人人得以意呼之。其大觀曰南  
天門。此皆望而可得者也。

靈巖記

域中有四大刹。靈巖居其一。以泰岱之屋烏也。乃希  
有物化見道場。當谷口有峯堡而立。就之。覩蹲入谷。

三里許。一梁橫跨水淙淙出焉。北山但苦渴得水便  
佳。寺古廢然。材盡豫章。麗猶舊家面目。謁五華殿中  
須彌南觀音。北藥師。東釋迦。西阿彌。各莊嚴精好。云  
是晉像。殿右古栢則霜溜石根。與泰山松通寒接氣  
矣。上千佛殿。魯藩所布金錢也。萬繙一繪耳。乃入禪  
室。緣竹漪漪。亦山之阿。從香積廚。捫泉而上。謁后土  
夫人殿。俱雄兀。堦前看四山宮宇。費幾許膏汗。而今  
盡不仁也。上達磨菴。隨喜鐵袈裟。從山湧起高四尺。  
袒其半文似水田區。金耶石耶不可辨。或曰神通游



東游雜言  
戲名山中往往有之更上爲曲水亭石可几而流可  
觴望江南耶又上爲甘露亭佛座下一勺之多止而  
沁又上爲抱靈亭老壁千仞雲木麤稠絕似五臺秘  
魔厓欲訪禪林功德兩洞而路暝不可卽乃歸宿夜  
肅如秋魚剝鯨碯夢回峯冷質明禮辟支塔佛圖澄  
以之鎮水者今漸殂落愍道人救饑不暇矣入魯班  
洞門捷不啓幻其事耳而所謂通明竅者亦牛首倒  
影之意惑愚兒便笑也王弇州謂其弟有泰山不可  
無靈巖予固食指不靜者卽棄此寸巒可矣是山開

于漢盛于晉唐中興於弘正碣碑臥立亂如漏澤之  
標見未曾有而皆應付靈巖者似此間不書一通終  
少一段某人來此也歸途欲艸一疏上之不果然猶  
記其略曰願乞 陛下下專敕使臣乘傳走四天下  
得便宜行事仍錫臣墨煤萬斛加以如月之斧凡遇  
名勝之地有所題說者間存其可餘悉聽臣劈抹用  
冷泉水澆之三日一雪山川冤辱以彰 陛下好生  
之德。

孔林



東坡雜言 一  
地自生孔孟。而鄒魯之鄉。遂馥朋友之義。千里登堂。予于先生何分也。而可有過門之憾耶。則既登泰山。以望其氣矣。從山麓東行二百里。至曲阜。石俱骨走。渡泗水。忽數千頃。蒼鬱黓黓。至聖林。耶由輦路。過洙水橋。有石人二。劍笏儼如石。麟虎四。華表二。肅拜享殿之下。觀子貢所植楷。先爲子思墓。左伯魚。上則吾夫子之藏也。少昊氏雖墟于此。而奎婁之精。中和之脈。至仲尼而始會。泗水卻流。黃玉提命。此事不可語。癡人第鳥巢荆棘。非有目者可章章乎。死生事大。聖

賢更切于英雄。夫子常敬觀人葬。卽延陵坎。子猶往觀之。以此知向離食異。環泗迎洙。人之葬聖人。與抑聖人之葬聖人也。吾見若堂者矣。而斬板封鬣。不取侈泰。尚夫子之志乎哉。右三楹。題子貢廬墓處。妄意泰山將頽。夫子獨語之子貢。而他日多學多能。諄諄然欲點紅爐之雪。必身後事命子貢襄之。聖人亦有密教。不可得而聞耳。林木皆遠方弟子手植。至不可知名。而孔氏纍纍環墻垣之外。三千年不異處。堯舜無此盛美也。辭墓登樓。觀嶧山一點正案。東南而顏



東漢書言  
母尼山啓聖顏林俱在顧盼間從魯圭門入觀闕里  
魯兩生引由毓粹門經金聲門詣大成殿瞻拜聖容  
以文宣王冕旒鍾鼎尊嚴壁有行教像顏子隨後者  
是顧愷之畫小影像按几而坐者是吳道子畫恨不  
見司馬朴所藏鞞川筆定別有一種文氣道氣也殿  
之後曰寢殿曰聖蹟殿殿之前曰杏壇二字党懷英  
書至中門左有夫子所植檜文陽紐枯而不朽米元  
章贊殊可讀徘徊奎文閣下天風穆冷古栢森然碑  
自蔡中郎陳思王以下不可勝捫左爲家廟詩禮堂

古槐瑰石不知幾何歲月右爲啓聖殿金絲堂則魯  
其王壞壁處也髣髴有人罄咳云乃從壁水出櫃星  
門而禽臺矍圃五父兩觀以大火正酣不能悉覩記  
止從陋巷窺顏井謁顏廟規制禮樂稍殺于夫子而  
一窺天人受此華報斯亦好學之明效也次日從稷  
門出看郭外坦夷如楮望舞雩臺過九龍山忽憶李  
文正之句一方煙火無菴觀三氏絃歌有子孫真能  
話曲阜縣者矣日午抵鄒謁孟廟古栢蔽芾樂正子  
配焉東祠孟母傍有小石像是孟子跪而受教者面



東坡雜言 一  
稍肥似帶瘦氣庭前有元佑時所植四大槐或曰孟  
母夢泰山神乘雲至嶧而墮乃生孟子由是觀之孔  
孟之秀皆泰岱所鍾者也不三百里之內而數聖比  
肩竄絕今古予出胎以來仰止夢寐又以一日于役  
得慰所私虛往實歸其視皓首牖下泪沒塵中者得  
失幸否相去何似耶時萬曆丁巳六月廿八日紀此  
志榮若夫贊述詩歌則既遊聖人之門矣以讓能者  
王道焜日記山水非風流澹宕靜遠蕭寂之人爲  
之卽學富平子筆妙子長無庸也季重諸作竒幽

古秀是厥體第一手

元 王惲

濟南山水可遊觀者甚富而華峰涑源爲之冠余到  
官八月湖光山色朝夕與對于庭戶几席間若無所  
觀心有所不快焉然每以歷居卑濕爲念或有云觀  
頭者迺自昔深引諸泉入大清之峻口也一鍾之力  
不



古香長飄鬪榮一手

遊華不注記

元 王惲

濟南山水可遊觀者甚富而華峰灤源爲之冠余到  
 官八月湖光山色朝夕與對于庭戶几席間若無所  
 覩心有所不快焉然每以歷居卑濕爲念或有云堰  
 頭者迺自昔濼引諸泉入大清之峻口也一鍾之力  
 不崇朝可徹而陸之常欲一往而未遑也冷竈節得  
 暇且寬憲使耶律君邀余暨簽書杜君爲茲山遊且  
 尋堰頭之盟諾焉逮十有一日遂自歷下亭登舟亂

華不注記



大明湖經會波樓下水門入廢齊漕渠所謂小清河者是也汎灑東行約里餘運肘而北水漸瀰漫北際黃臺東連疊徑悉爲稻畦蓮蕩水村漁舍間錯煙際真畫圖也于是綠萍蕩漿白鳥前導北望長吟華之風烟勝賞盡在吾目前矣是日也天朗氣淑清風徐來水平不波鳴絲歌板響動林谷舉酒相屬開口而噱少頃扶腋登岸相與步入華陽道觀主人方布几延賓僕以疾作遽還二君爲愀然也至于罔獲陟連雲絕頂追謫仙之逸駕叫蒼梧之暮雲富覽江山以盡遊觀之美特閑適餘事初不訝其從違正恐山靈獨回俗駕造物者有所靳耳旣歸伏卧舟中怳怳焉如宿醒在懷殊伊鬱也但聞兩舷間風水之聲自宮自商拍拍盈耳殆魏獻子之歌鐘石鍾山之水樂也且念華峰之勝樂在近郊因以步里計之自歷亭北至華陽院下廿里而遠由水門抵黃臺北渚十八里而近以葦汀漁箔周折灣澹從城東北阿至艤舟山家蓋且十曲矣



山巖峻峭，林木蒼鬱，泉石相映，風景殊絕。其巔有石室，名曰華不注。室中有一石，形如龍，故曰龍洞。其石室之東，有石室，名曰龍洞。其石室之西，有石室，名曰龍洞。其石室之南，有石室，名曰龍洞。其石室之北，有石室，名曰龍洞。其石室之東，有石室，名曰龍洞。其石室之西，有石室，名曰龍洞。其石室之南，有石室，名曰龍洞。其石室之北，有石室，名曰龍洞。

遊龍洞山記

元 張養告

歷下多名山水，龍洞為尤勝。洞距城東南三十里，舊名禹登山。按九域志：禹治水至其上，故云中有潭，時出雲氣，旱禱輒雨。勝國嘗封其神為靈惠公。其前層峯雲矗，曰錦屏；曰獨秀，曰三秀，有僧居之。繇錦屏抵佛刹山，境巖環合，飛鳥劣及其半。稍西，卽山有龕屋，深廣可容十數人，周鑄佛像，逃亂者多依焉。上下有二穴，下者居旁可迤，透東出其曰龍洞，卽此穴也。



望之窅然竊欲偕同來數人入觀卽遣僕然束茭前  
導初焉若高濶可步未幾俯首焉未幾罄折焉又未  
幾膝行焉又未幾則蒲伏焉又未幾則全體覆地蛇  
進焉會所導火滅煙鬱勃滿洞中欲退身不容引進  
則其前愈陜且重以煙燧械吻抑鼻潛息心駭亂恐  
甚自謂命當盡死此不復能出矣余強呼使疾進衆  
以煙故無有出聲應者心尤恐然余適居前俄得微  
明意其穴竟於是極力奮身若魚縱焉者始獲脫然  
以出既出有泣者恚者詬者相譏笑者頓足悔者提  
肩喘者喜幸加手其額者免冠科首具陳其狼狽狀  
者惟導者一人年稚瘠小先出若無所苦見衆皆病  
亦佯懾爲戲諸宴外者卽舉酒酌穴者人一二杯雖  
雅不酒必使之醺名曰定心飲余因憶昔韓文公登  
華山窮絕頂梗不能返號咷連日聞者爲白縣吏遂  
遣人下之嘗疑許事未必有以吾數人觀之則韓文  
公之號爲非妄矣於戲不登高不臨深前聖之訓較  
然而吾輩爲細娛使父母遺體幾同壓溺不弔其爲  
戒詎止辱身不可忘竊虞後來者或不知誤及此故



紀其事以告焉。

登千佛山記

明 樊獻科

予來濟南之三月居臬署中望城南有山翼然者千佛山也山去城僅六七里七月七日古橋宋君邀飲演武場場與山復邇予時先往亟命輿登山歷石澗循香積院右轉蓋盤陟三四折始至山巔巔岩鑿佛像大小不可勝計故名千佛山云山多棗樹方纍纍如垂珠而蟬聲如曳縷不絕近岩下石洞窠突中有池丈許深碧不可測游人多飲而甘之洞口有門題



千佛山記  
曰龍泉洞洞之前爲對華亭。蓋與華不注山相向也。華之東爲大佛山。竒袤而右爲茂陵山。華之西爲鵲山。乃扁鵲舊蹟。復迤邐爲藥山。羊起石產焉。自藥山而南爲匡山。隱隱隆隆。復環接千佛山之左。而濟南城當其中。予乃坐對華亭。命酌而歌。旣而俯瞰城中。有若池荷浮碧者。數處蓋碧琉璃瓦掩映。乃德王諸宮殿也。稍後有若鋪紅閃日者。僅一隙。孔子宮墻也。餘見草樹微茫。烟雲蔽野。而城中官舍室廬。殆蟻穴哉。予竊嘆茲山之高。不過數百丈。而下視城中。已若是。設真仙從半空中視之。則不啻秋毫矣。世人顧多怵怵塵壤間。日悚意駢。顏于得失利害之衝。豈非爭雄蟻穴。競銳秋毫哉。



遊大佛山記

明 樊獻科

大佛山去千佛山幾五里予以中秋爽氣邀比部平君與朱宋二大夫飲于大佛山之巔中爲開元寺建宋景祐間寺趾湫隘顧四山如抱石勢哈呀藤蘿森翠僅西一隙通人境宜隱者居也寺北爲大石岩鑿洞上下爲二石室儒生讀書其中稍東沿石壁下架草爲簷而寺之庖湑諸器具咸置石竅間復數步許卽壁上鑿佛像高二丈餘傍有石池泓漾爲僧人洗



鋒處西轉卽寺殿殿之前多古樹濃陰可憇宋大夫  
卽樹下布席爲局飲局罷南行爲石徑垣列劖石多  
詩記苔蘚不可讀仰崖上峻削稍凹爲洞天朱大夫  
曰是宜遠而眺遂索梯援躡平君先躡遂次而躡躡  
草樹間輒席地跌坐令歌者蹲岩下而歌聲顧在樹  
杪矣四覩千佛山如屏几落照烟霞參橫谷口舒嘯  
相酌飲復梯而下下有石池特深濶丈許水淙淙石  
縫中名其露泉色澄徹可鑿鬚眉予獨挹巨觥吸之  
冷冽徹肺腑又東行十數步有石窟如井深百尺許  
初窺之黝窈沉沉已乃冉冉有光極底見泉穴蕩漾  
如湧濤蓋泉石激地洞中微與日影爭閃爍云已復  
西向昇輿倒折而下日方晡遂燈行澗中視山岩大  
石像數處卽俗稱大佛頭山也無何月懸山脊林莽  
豁然視華不注諸山蜿蜒聯絡而崇岡曠野咸在覽  
中予復令吏亟爇火供飲時漏下二鼓矣



大明湖記

遊濟南大明湖記

明 李裕

濟南面高山其地低窪有七十二名泉皆散流滙爲  
 大明湖由北水門注於濟縈迂東流數百里達於海  
 湖占城內地三之一延亘長堤堤傍多柳堤上跨七  
 橋以通諸泉之流泄碁布於中若洲若渚若泚若澍  
 者以百數爲歷下勝槩余至濟南閱四載未獲覽湖  
 上之勝成化己丑左長史屈公天錫新構軒于湖北  
 之湄其夏邀余與葉公拱宸鄭公德聚劉公行恕董

大明湖記

一



大明湖記 7  
公國器張公鳴玉吳公大祿至軒臨清以嬉汎覽湖  
上水光映天澄鮮一碧屬玉水鴉浮遊而先後洲渚  
間崇林茂柳輪幽呈秀空翠輕煙舒歛異狀誠爲佳  
致於時主賓獻酢交相酌酌情思甚暢天錫命僕艤  
三舟於水涯起席曰值茲繁華佳景是湖不可不遊  
余八人登舟列坐命歌童三五載小舟前導庖丁鑊  
釜之類後舟隨之舉棹停橈隨流曲折悠漾柳陰中  
遇竒處卽維舟取魚果蔬蓮菱之品隨折隨供而絲  
竹管絃之聲洋洋盈耳效鄭公捲荷葉作碧筒杯流

飲無筭時清風徐至荷香襲人心凝形釋與萬物冥  
會恍若身在閬苑蓬萊間遂循南岸至歷下環波水  
香三亭亭瞰湖濱宋曾子固知齊州重建今湮圯基  
存余與拱宸輩深嘆古人之樂事四百年來無一人  
繼曾後而新之者比日將申舟由北岸復至軒下飲  
茗天錫復携具偕余輩登北門城樓啓窓四顧其泰  
山綿亘百里。重叠而南拱華不注峯。虎牙傑立于其  
東。鵲藥諸山環抱于西。北俯視白雲巨合諸水。皆在  
階屺下。而東究登萊數州之土壤。俱在望中。濟南山



川形勢亦雄矣哉。時主賓皆醉日已西墜嗟夫佳山秀水皆天作而地成之無處無之。是以賢人達士雅好者隨所遇而窮探遠索于山谷草莽間。得勝卽爲臺爲亭爲池沼遊覽而品題之。然後得美名而傳之後世。若永之石城諸山。鈷鋤諸泉。不見遇于宗元。滁之瑯琊之秀。釀泉之美。不見稱于永叔。終蕪沒于空山荒野。人孰得而知耶。是湖子固昔嘗遊之。題品載于郡志。自時厥後寥寥無聞。今余因天錫邀始得偕同志者周覽一湖之勝。以舒鬱滯之懷。乃余之深幸而湖之名益增重。雖然余與諸公皆膺民社之寄。一賞而足。奚可耽遊廢務。如山簡習家池。惟知酩酊倒載而歸。以犯荒佚之戒乎。



此處有數行空白欄位，可能為原書內容或後人添加之文字，但現已模糊不清。

趵突泉記

宋 曾鞏

按圖泰山之北與齊之東南諸谷之水西北匯于黑水之灣又西北匯于栢崖之灣而至于渴馬之崖蓋水之來也衆其北折而西也悍疾尤甚及至于崖下則泊然而止而自崖以北至于歷城之西蓋五十里而有泉湧出高或至數尺齊人名曰趵突之泉嘗有棄糠于黑水之灣者而見之于此蓋泉自渴馬之崖潛流地中而至此復出也趵突之泉冬溫泉旁之蔬



此突身語  
甲。經冬常榮。故又謂之溫泉。其注而北。則謂之灤水。達于清河。以入于海。舟之通于濟者。皆于是乎出也。齊多甘泉。冠于天下。其顯名者以十數。而色味皆同。皆灤水之旁出者也。灤水嘗見于春秋。魯桓公十有八年。公及齊侯會于灤。

鮑山甫云。濟南德王府內池水。皆趵突。高數尺。卽民間掘土稍深。泉卽趵起。處處皆然。按禹貢。導沭水東流。爲濟。入于河。溢爲榮。東出于陶丘北。又東出于河。又東北會于汶。注稱沭水善伏。其源則濟南水多。趵突者。以伏流所積故也。



東封泰山記

漢 光武

維建武三十有二年一月皇帝東巡狩至于岱宗柴望秩于山川徧于羣神遂覲東后從臣太尉熹行司徒事特進高密侯禹等漢賓二王之後在位孔子之後襄城侯序在后藩王十二咸來助祭昔在帝堯聰明密微讓與舜庶後裔握機王莽以舅后之家三司鼎足冢宰之權勢依託周公霍光輔幼歸政之義遂以篡叛借號自立宗廟隳壞社稷喪亡不得血食十



有八年揚徐青三州首亂兵革橫行延及荊州豪傑  
并兼百里屯聚徃徃僭號北夷作寇千里無煙無雞  
鳴犬吠之聲皇天睠顧皇帝以匹庶受命中興年二  
十八載興兵以次誅討十有餘年罪人斯得黎庶得  
居爾田安爾宅書同文車同軌人同倫舟輿所通人  
迹所至靡不貢職建明堂立辟雍起靈臺設庠序同  
律度量衡修五禮五玉三帛二生一死贊吏各修職  
復于舊典在位三十有二年年六十二乾乾日昃不  
敢荒寧涉危歷險親巡黎元恭肅神祇惠恤耆老理

庶遵古聰允明恕皇帝唯慎河圖雒書正文是月辛  
卯柴登封泰山甲午禪于梁陰以承靈瑞以爲兆民  
永茲一字垂于後昆百僚從臣郡守師生咸蒙祉福  
永永無極



東華志卷之四

泰山封禪儀記  
漢 應劭  
本誌一守世十封其百始於周穆王  
宋世封泰山中平縣千畧創以不  
漢世封泰山中平縣千畧創以不

泰山封禪儀記

漢 應劭

車駕正月二十八日發雒陽宮二月九日到魯遣守  
謁者郭堅伯將徒五百人治泰山道十日曾遣宗室  
諸劉及孔氏瑕丘丁氏上壽受賜皆詣孔氏宅賜酒  
肉十日發十二日宿奉高是日遣虎賁郎將先上山  
三案行還益治道徒千人十五日始齋國家居太守  
府舍諸王居府中諸侯在縣庭中齋諸卿校尉將軍  
大人黃門郎百官及宋公衛公褒城侯東方諸侯雒

封禪儀記



封禪傳言  
中小侯齋城外汶水上太尉太常齋山虞馬第伯自  
云某等七十人先之山虞觀祭山壇及故明堂宮郎  
官等郊肆處入其幕府觀治石石二放狀博平圓九  
尺此壇上石也其一石武帝時石也時用五車不能  
上也因置山下爲屋號五車石四維距石長丈二廣  
三尺厚尺半所四枚檢石長三尺廣六寸狀如封篋  
長檢十枚一紀號石高丈二尺廣三尺厚尺二寸名  
曰立石一枚刻文字紀功德是朝上山騎行往往道  
峻峭不騎步牽馬乍步乍騎且相半至中觀留馬去

平地二十里南向極望無不觀仰望天闕如從谷底  
仰觀抗峯其爲高也如視浮雲其峻也石壁宵窳如  
無道徑通望其人端如行朽兀或爲白石或雪久之  
白者移過樹乃知是人也殊不可上四布僵臥石上  
有頃復蘇亦賴齋酒脯處處有泉水目輒爲之明復  
勉強相將行到天關自以已至也問道中人言尚十  
餘里其道旁山脅大者廣八九尺狹者五六尺仰視  
巖石松樹鬱鬱蒼蒼若在雲中俛視谿谷碌碌不可  
見丈石遂至天門之下仰視天門窅遼如從穴中視



封禪傳言  
天直上七里賴其羊腸逶迤名曰環道往往有繩索  
可得而登也兩從者扶挾前人相牽後人見前人履  
底前人見後人頂如畫重累人矣所謂磨胸搨石捫  
天之難也初上北道行十餘步一休稍疲咽唇焦五  
六步一休蹠蹠據頓地不避濕暗前有燥地目視而  
兩脚不隨早食上晡後到天門郭使者得銅物銅物  
形狀如鐘又方柄有孔莫能識也疑封禪具也得之  
者汝南召陵人姓楊名通東上一里餘得木甲木甲  
者武帝時神也東北百餘步得封所始皇立石及闕

在南方漢武在其北二十餘步得北垂圓臺高九尺  
方圓三丈所有兩陛人不得從上從東陛上臺上有  
壇方一丈二尺所上有方石四維有距在四面有闕  
鄉壇再拜謁人多置錢物壇上亦不掃除國家上見  
之則詔書所謂醮黎酸棗狼籍散錢處數百幣帛具  
道是武帝封禪至泰山下來及上百官爲上跪拜置  
黎棗錢于道以求福卽此也東山名曰日觀者鷄一  
鳴時見日始欲出長三丈所秦觀者望見長安吳觀  
者望見會稽周觀者望見齊西北有石室壇以南有



玉盤中有玉龜山南脅神泉飲之極清美利人日入  
下去行數環日暮時頗雨不見其道一人居前則先  
知蹈有人乃舉足隨之比至天門下夜人定矣

泰山錄

宋 邵伯溫

客云昔罷寇曹與一二友祀岱嶽因登絕頂四十里  
宿野人之廬前有藥龜地多鬼箭天麻玄參之類將  
五鼓初各仗策而東僅一二里至太平頂叢木中有  
真宗東封壇遺址擁褐而坐以伺日出久之星斗漸  
稀東望如平地天際已明其下則暗又久之明處有  
山數峯如卧牛車蓋之狀星斗盡不見其下尚暗初  
意日當自明處出又久之自大暗中日輪湧出正紅



色騰起數十丈半至明處却半有光全至明處却全有光其下亦尚暗日漸高漸變色度五鼓三四點也經真廟帳宿之地石上方拄窠甚多又經龍口泉大石有罅如龍哆其口水自中出又經天門十八盤峯尤秀聳北眺青齊諸山可指數信天下偉觀也

遊秦嶽祠記

宋 錢伯言

宣和己亥九月二十四日面奉玉音至奉符催視嶽祠後一月伯言至自堯明日具香燭以告上旨已而罷醮于會真宮獨登瑞雲亭早飯于行館遂同令寇庠丞呂光問祠官曹欽承萊蕪令韓僖謁岱嶽觀留連池上復自金母洞過青帝觀觀文僖丞相遺刻遂遊白龍潭奠御苑玉芽於水中愛其泉石之勝廼相與策杖散步還過雞籠峯始復肩輿躬走社首山視



禪壇訪遺迹晚入乾元觀小飯翠陰亭而歸

*[Faint bleed-through text from the reverse side of the page]*

游泰山記

明 李裕

成化乙酉春同年御史李景賢來按山東是歲三月朔同自濟南往謁闕里回抵秦州公館夜酌景賢曰喜茲和煦明當同登泰山一覽竒勝可乎余諾之明晨起與景賢聯騎出州城北望熖煙薄靄橫帶山腰適叅政葉拱宸副使莊尙源邂逅而至遂與偕往北行二里過白鶴泉泉出石罅滄溟沸久旱則滲漉距西百餘步曰梳洗樓不知初於何時惟存故址從



西折北二里有王母池泉甘而冽澆沸潏觀不竭不  
溢鄉人取水滌雨頗驗又北五十餘步曰呂巖有呂  
仙石像宋時建樓閣堙圯獨荒基破礎存今圍以石  
垣其中深林茂草森布蒙密曄曄猗猗頗有佳致至  
山麓時日出扶桑雲霞絢綵目前羣峯錯立遠近異  
態景物之奇似快心意自山麓抵迴馬嶺十餘里羣  
峯對峙巖嶒崢嶸勢相噬齧中夾溪流轉騰激洌觸  
崖石激堆琦其聲澎湃濶濶法法縈迂數里入汶又  
有巨石大者如輪小者如甕硤硤礪礪偃臥路徑難

以數計策馬單行崎嶇至嶺下是嶺岌業陡絕車騎  
不可前馳余四人神思覺疲僕從亦有倦色少憩石  
上飲茗易肩輿穿深林踰大石行可四里陡崖剝削  
中夾石徑阨陀險阨有石磴可躋復行二里許卽宋  
真宗東封帳宿處曰御幃其地夷衍嘉木棗核繁陰  
布地前卽深澗黛蓄膏渟水光映天巉石錯雜如斷  
鱗有小魚色青黑浮遊水面臨溪觀之時羅道士獻  
茶餅余試以餅餌之翕然聚已而尙源授以小石悉  
潛去復三里餘至黃現山秦時有松五株始皇登山



封五大夫枯沒後人續植者百有餘年老幹拳曲擁  
腫宛若蒼龍勢欲飛騰余四人休憩其下嗟賞奇態  
又行二百餘步曰百丈崖崖丁如屋可容十餘人臨  
瞰道傍紫蔓青蘿搖綴蒙絡傍有石洞豁豁而黑莫  
測深廣人亦惴惴不敢窺又經石壁峪至十八盤兩  
峯對插峭削如壁其間累石爲徑盤繞至南天門幾  
五里遠望如梯懸倚山畔此最險絕易小轎盤道而  
上入天門東行數里詣昭真觀易冠服薦祀紫霞元  
君問道士云不知創始每歲春月四方謁者踵至心

弗虔立致奇報余聞而驗之數矣已卯祠後觀磨崖  
碑是碑唐玄宗紀泰山銘字大如手歲久風雨多剝  
蝕其字距東十數步觀始皇封泰山制李斯所篆其  
石埋植土中高五尺形制似方非方四面廣狹不等  
余刮磨垢蝕而細觀之總二十二行行各十二字多  
不可識又西行數步上太平頂此泰山最高處上有  
磐石方丈廉隅尚整黧色光潤可愛余四人坐石上  
少頃拱宸尙源足疲怯還昭真觀余與景賢褰裳徑  
往頂上俛瞰羣峯攢簇伏地若培塿獨神霄兩峯巒



嶙特起佳花異草含丹吐白者駢羅列布於岩谷靈禽怪獸啾鳴嘯號之聲雜沓盈耳最爲泰山奇勝又有三峯曰日觀吳觀周觀余與景賢因縱目四顧渺然無極而崧華恒霍諸山以及江漢河濟諸水皆可指數誠天下諸山莫踰其高時日正午風清氣爽徘徊旣久頓覺神思飄灑迥隔塵寰而不知身踞青霄上也復從頂東下數十步有玉女泉水清甘美道士時汲淪茗又東行二十步曰龍口泉大石有罅如龍哆其口水自中出其流淪淪有聲淥然復從險徑南

行四十步懸崖唳下臨絕壑古木蒙蔽余俯身覘之毛髮豎聳有怪石形如大匱虛倚崖畔風至搖撼問道士云此謂捨身崖人修道從茲捨身入僊境余與景賢深惻道士惑世者戕人之生遂命州官塞路徑絕往來崖之西有五峯嶙峍巉簇其狀若蓮名蓮花峯自西山小山折旋而東層嶂疊出泉湧石上奔瀉數十丈縷縷如簾名水簾泉其雞籠諸峯桃花諸峪多有靈跡奇勝獨嶺嶠巖壑帶嶧荆蓁交迷路徑不可到時日過未余與景賢往觀會二公同飲



各賦詩二首書於觀之東壁。從天門盤舊道而下至半嶺。正夕陽西照。回視山色玲瓏。水光蕩漾。樵翁牧子隱隱樹林間。恍若畫圖中人物。欲乘餘興往徂徠。尋竹溪六逸堂故基石。守道隱居日已暮矣。嗟夫。余少時嘗讀孟氏書。孔子登泰山而小天下。公羊傳泰山之雲不崇朝而雨徧天下。觀子美望岳詩。造化鍾神秀。陰陽割昏曉。盪胸生層雲。決背入歸鳥。之句。想像泰山之高峻。巒峯之雄秀。草木之奇妍。仙蹤靈跡之怪異。古今賢人達士登覽之題咏。何能得登茲山。

窮探廣索。親覽奇勝。徒縈諸夢想者十餘年矣。昔程明道幼聞泰山奇秀。在鄆縣未得遊覽。及登第。請爲是縣主簿。以償其素願。又自記其始末。今余無庸於時幸叨總憲。是邦且喜。

聖德廣被。地方居民咸蒙覆露之庇。更喜諸公皆同朝舊寮。乘茲休暇。得覽奇勝。以償夙昔之願。何其幸歟。是亦張弛之道。豈其荒耽而忘返者足比哉。

喬宇游泰山記

正德五年燕齊大旱。運河滯阻。天子爰舉祈方之典。



命戶部侍郎臣宇於五月十四日往東方祭告嶽鎮  
暨於東海予夙願泰山一登又懼此行以昭假明神  
周救百姓而往苟祀而無雨則又不可登矣因齋心  
而前過德州卽沛然下雨過平原禹城泰安州濟南  
之境雨皆達旦農夫歡踴予亦展顏謂可以償其願  
矣二十九日沐浴更明衣省牲演禮于季夏朔雞鳴  
後致祭于東嶽廟畢祭時雷電合作予又懼曰秦漢  
以前登封泰山者七十二家實爲靈墟著于簡冊雖  
始皇以虎狼之威千騎萬乘以從上中阪遇暴風雨

不得上封今且雷電矣登而雨作疲夫羸馬不得登  
矣但頗自謂秉誠肅恭嶽豈無鑒耶竟與胡張二君  
同登時陰霾蔽空行五里余至紅門以入則雲漸開  
朗遂由石陂西北行二十里過嶺二曰回馬黃峴又  
五里至御帳觀始皇所休樹五大夫松神根古幹高  
皆二丈許自御帳而上皆石磴飯訖上小大龍口又  
盤曲十五里至南天門又三里至絕頂凡五十盤而  
上晴晦開闔氣候萬態不可云狀謁禱于碧霞元君  
稍上是爲東嶽廟磨崖碑在焉碑高二丈廣一丈五



尺其文乃唐玄宗御製泰山銘其書隸其立之年爲  
天寶遂題名于上又上爲極高處有玉皇殿殿南爲  
始皇封禪碑卽除道至山顛覽秦頌功德碑碑高二  
丈許其文秘石套內殿中有宋真宗石匣內藏玉檢  
十六成化間曾入御覽驗爲祀泰山后土文也再東  
爲日觀峰有小碑亦刻名焉數步許爲望海石是爲  
越觀可望會稽石在頂巋然蹲踞時愛而登之爲題望  
海石三大字又轉登仙人橋五花嶺是時天日光麗  
碧漢萬里豁然四望胸恢意廣見濟南城東北華不

注山如小屋建于水上俯觀白雲英英渺渺自山腰  
而出冒于下方北望京師南瞰淮徐西顧蕪趙東眺  
海上以至於空峒丹穴太平太蒙之際誠天下之奇  
觀也飯于道院又題名篆詩于小石碑徘徊至晚方  
回遇崖石可愛者輒留書下山至州城則已報更矣

尚綱游泰山記

成化丙午春藩臬將巡行郡邑余與少叅王君世用  
憲僉劉君廷珪潘君應昌約日偕行乃以正月丁卯  
發濟南戊辰抵泰安州庚午黎明詣草叅亭拜東嶽



祠遂肩輿出城北行五里及泰山之麓由紅門路過高老橋傍有水簾洞洞左有巖巖亭少憇經馬棚崖回馬嶺路漸陡峻再行至黃峴嶺陟嶺東下徑路平坦俗謂之快活三延轉而上及御帳蓋宋真宗駐蹕之所蜿蜒而上歷十八盤至南天門東北行二里及昭真宮謁碧霞元君由宮後稍北有東嶽神祠祠陰刻唐開元磨崖碑遂上登封臺有玉帝殿前建石表高丈餘或云秦之無字碑復轉東南至日觀峰捨身崖在峰之下西望則有月觀秦觀諸峰北望則有獅

鴉鵝二崖若西南之丈人峯東南之徂徠山尤其秀拔其青嵐鴈飛二嶺馬蹄桃花二峪與東西二神霄山大小二懸石蛻仙巖明月嶂龜陰埠楊老園皆在指顧間而下瞰汶泮二河如拖練耳人云秋氣晴肅可以見海余與世用廷珪應昌酌昭真宮之別室再酌於巖巖亭酒力微醺夕陽欲墜神思飛爽飄然跨滄溟凌宇宙之氣槩也山下有呂巖洞王母池白霍泉則以薄晚不能及其他峯崖林壑幽邃之地佳景尚多不能悉記辛未出城西門禮玉女殿卽宋天



書觀遂至蒿里山探鬼仙洞令道士執燭以往陰氣  
侵人不可深入時諸君各有事於東西乃布席張樂  
爲別

高誨游泰山記

泰山在州治北高四萬餘尺延袤幾二百里名峯上  
十有二其巒岈列巘森然而拱秀者弗可勝紀古爲  
東鎮天下之山莫高焉予往歲登謁時甚寒未獲盡  
觀奇勝爲恨嘉靖壬午冬予承臺檄督岱宗事癸未  
三月六日肩輿出北城門踰小橋二里道左右亂石

碁布近麓有廟祀池館俱壯麗左有老栢數株相傳  
漢武帝東封時植也又二里至紅門跨道爲飛雲閣  
道傍爲更衣亭襖扁曰宗嶽循溪產天麻黃精諸藥  
又五里至高老橋有漢壽亭侯祠祠前桃李始華稍  
前爲水簾洞泉自天紳巖出飛流垂練聽之泠泠然  
下有小石橋通泉于溪左爲巖巖亭登之畢見景物  
又四里至馬棚崖稍前爲回馬嶺山石漸峻且奇林  
木亦幽邃溪崖有椒有梅杏櫻桃山居者資以爲利  
又五里至黃峴嶺西行折東北上而復下又西行折



東北則下而復上雖盤曲下上率坦易凡三以里計亦三遊人疲于峻陟至是舒快名曰快活三及過西巖有竹繁茂又五里至御帳宋真宗駐蹕之所五松高數丈秦皇避雨其下封大夫云竹林僧獻茶問之曰東巖所產味亦清苦又五里至大小龍口兩山懸削水從石峽噴瀉上有古松偃仰若蟠虬然又五里至十八盤崖間楸榭野棠山榴彌桃或花或實石磴齒齒倚空仰視似有不可至者乃僂僂攀援以上盤盡至峽口高處石門題曰南天門有三靈廟又東北

二里爲元君祠左側石方池曰玉女泉一名聖水甘寒清冽汲以烹茗可比浮槎龍泉又東北至嶽神祠祠後有唐磨崖碑二一爲開元紀泰山銘一爲乾封朝覲頌側多古人題詠蘚蝕不可讀又北上至絕頂有玉帝祠祠前石表丈餘一名秦王無字碑又東南行至日觀峯人云鷄鳴時見日出有石函方丈許人云成化間雨水衝決得玉檢以獻命中使瘞舊所卽此峯之西巍然而突出者秦觀峯也稍南而獨見者越觀峯也峯之下壁立萬仞者捨身崖也崖之右則



試心石仙人橋也。延竚四望，滄溟東圻，河流天傾，而汶水湯湯，砥環一綫。西南萬山伏地，殆如米撮。惟徂徠、尼父、僅霧、春可指耳。近顧諸峯，若丈人若回鴈若蓮花，若明月若東西神霄雲烟，相盪勢若爭雄。其不能以一峯名而附之以見者，如拱如揖，凜然有夔夔聽命之狀，真奇觀也。予始至瘦石，嶙峋剛風怒濤，溪竹崖松，宜雪宜月，其尤足聽聞者，樵斧之聲與崆峒應答。旣而鳥鳴花麗，萬谷皆春，泉香可啜，蔬美可饌。山容于是乎忻忻，然而人亦得以樂之。至於溪雲出沒而陰晴變化于立談之頃，此又造物者之翕張而莫知其所以然也。夫山之景象奇于春，而遊人或拘于時，止于暫，予公事久于斯，而又頻于上下，則夫山之情狀、景之變態，古人遊預登眺之迹，靡不襲其芳而踵之。茲遊也，可不謂獨勝乎。







